



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiae Palatium

Variis Sacrae-Scripturae Locis, Atque Septem misericordiae operibus quasi
peristromatibus exornatum

Gazaeus, Nicolaus

Augustae Trevirorum, 1618

Qvod Charitativi, Opibus Et Eleemosynis Immo Etiam Seipsis Captivos
redimere debent ad Sanctorum quorundam imitationem. Capvt LVIII.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)

enim sunt: Captiuitatis siquidem persecutio imputatur ad martyrium.



QVOD CHARITATI-
VI, OPIBUS ET ELEEMOSY-
NIS IMMO ETIAM SE IPSIS

Captiuos redimere debent ad Sancto-
rum quorundam imitationem.

CAPVT LVIII.

Olim summo hominibus cedebat ho- *Lib. 3. off.*
nori si suis opibus captiuos redemif-
sent. Huius testis est Cicero quem præte-
reo, vt Patriarchæ Tobix exemplum pro-
feram, de quo scriptura loquens sic ait : *ita cap. 1.*
vt omnia qua habere poterat quotidie captiuis
fratribus, qui erant ex genere eius impertiret.
Hos ergo imitamini (Confratres) quorum
feriem producere gestio.

Sanctus Eligius nullis parcebat medijs
quæ non exponeret pro redemptione cap-
tiuorum, Romanorum, Gallorum &c. sed
præcipuè Saxonum qui sibi confœderati
erant. Quod si quandoque media sufficien-
tia deerant, vsque ad cingulum omnia ven-

Ll 3 deb at

310 [CAPTIVOS REDIMERE

debat indumenta, & suo se victu fraudabat. Sanctus Chryostomus omnia bona sua vendidit, vt captiuos redimeret. D. Bernardinus accepta pecunia à duce Mediolanensi, ad carceres statim processit, ex quibus captiuos satisfactione data eduxit. Alphonsus X. proprijs redemit thesauris Constantinopolitanum Imperatorem, ceterosque Christianos Principes quos Soldanus captiuos duxerat.

*Sur. in vit.
tom. 7.*

Prædo quidam tugurium eremite ingressus quæcumq; in illo erant sustulit: quod aduertens vir sanctus se ad vicini contulit ædes in quibus omnia sublata reperit, verum ne fur pudore suffunderetur, contuit nec ablata repetijt. Is cum repetito sepius crimine, incarceratus esset, pius Pater portionem acceptam illi detulit vt eum solaretur. Quid de antiquorum pierate eloquar? non solum proprijs succurrendum esse medijs censebant, sed etiam sacris paramenti existimabant.

*de Sacrosancta
Eccles. l. Sanc-
cimus.*

Theodosij constitutionem quæ ex sacris codicibus elicitur audiamus. *Si necessitas (inquit) fuerit in redemptionem captiuorum, tunc & venditionem sacratissimorum, atque arcanorum vasorum, vel vestium, ceterorumque denariorum, quæ ad diuinam religionem neces-*

neces-



necessaria sunt, & hypotecam & pignorationes fieri concedimus. Quoniam non est absurdum animas hominum quibuscumque vasis, vel vestimentis præferri. Nicephorus refert Acatium Episcopum Amindanum, Ecclesiasticis thesauris 7000. Captiuorum redemisse. Conuocato namq; Clero sic eos allocutus fuerat. Fratres dilectissimi Dominus cyphis aureis vel argenteis, sicut nec vasis huiusmodi indiget, nam neque manducat neq; bibit: Quapropter cum Ecclesia ijs abundet, æquū est vt per ea redimantur captiui. Deogratianus Carthaginensis episcopus simile quid operat^o est. Sunt & alij qui charitate feruentiores, non solum sua, sed & se ipsos in redemptionem captiuorum donauerunt. D. Dominicus cum res omnes distribuisset, rogatus à quadam muliere vidua, vt sibi quippiam in filij captiui redemptionem largiretur, nihil habens quod dare posset, se ipsum venalem obtulit vt alteri subueniret. Licet ineffabilis Charitas Sancti Paulini Nolani episcopi omnibus nota sit, eius tamen exempla producam. Hic cum à vidua quadam rogaretur vt media ad redemptionem filij largiretur, negaretque se id præstare posse, dixit: Me sume, & mancipium tuum esse

Lib. 14. c. 22.

Greg. lib. 3.
dialog. c. 33.

Ll 4 finge,

finge, dabisque me obsidem loco filij. Que
 verba, nugatoria prima facie arbitrabatur
 mulier, at ille verissima se fari asserens, vna
 cum illo perrexit in Africam, vbi recepto
 filio, Sanctus Episcop^o captiuitati reman-
 sit mancipatus. O ineffabilem amorem cha-
 ritatis! ò ardorem mirabilem, quò incensus,
 libertate contempta, vt charitatis satisfac-
 at legibus captiuitatē amplexatus est! Quid
 tibi cœterisque præmij conferetur? dicet
 proculdubio Saluator: *percipite regnum:
 captiuus eram & redemistis me.*

QVOD CAPTIVIS ET-
 IAM FREQUENTER PRECI-
 BVS AD DOMINVM FAC-
 ctis succurratur.

CAPVT LIX.

Licet in hoc opere nullatenus de oratio-
 nis efficacia agere intendam, tamen,
 quantum profint orationes pro captiuorū
 educatione, atque profuerint prætereundū
 non iudicauī. Quæ igitur causa liberationis
 filiorum Israel à seruitute ægyptiaca exti-
 tit, nisi orationes? *Clamor (inquit Deus) fi-
 liorum Israel, venit ad me, vidiq̃ afflicto-*
nem

Exod. 3.